

ՍՈՒՏ ԿԸ ԽՕՄԻՐ

ՍՈՒՏ ՎԿԱՆԵՐՈՒ ՄԱՍԻՆ

Այս մէկը անաստուածաբար սուտ վկայութիւն ընողներուն համար է: Այս մասին Աստուած խօսելով Մովսէսի հետ, Օրէնքի մէջ գրեց. «Սուտ մի՛ վկայեր» (Ելք. Ի. 13), ինչ որ մեծ անօրէնութիւն է:

Առաջին՝ ահեղ ու սոսկալի իրողութիւնը այն է, որ ճշմարտութիւնը Աստուծոյ անունն է եւ ամէն բանի զարդն ու աշխարհի պայծառութիւնն է. սուտ վկան աւերիչ ու կործանիչ է ճշմարտութեան, որովհետեւ կը վկայէ ո՛չ իր տեսածին եւ ո՛չ ալ գիտցածին մասին:

Երկրորդ, ուրիշներու մեղքերու ընկեր կ'ըլլայ եւ զանոնք կը հաստատէ իրենց գործած մեղքին ու չարիքին մէջ եւ ինք սատանային բնակարանը կ'ըլլայ, ինչպէս Տէրը ըսաւ. «Ան, որ սուտ խօսի, ինքն իրմէ կը խօսի սուտը»: «Ինքն իրմէ»-ն այն է, որպէս թէ Աստուած կ'ըսէ. «Սուտը իմն չէ, այլ՝ սատանային, եւ սատանան է անոր հայրը, որ ծնաւ սուտը» (Յովհ. Ը. 44) եւ ամէն սուտ վկայ մասնակից է սատանային:

Բոլոր ստախօսները եթէ ետ չդառնան ու չապաշխարեն, սատանային հետ տանջանքի եւ կորուստի պիտի մատնուին, համաձայն այն խօսքին, թէ «Տէրը կը կորսնցնէ բոլոր սուտ խօսողները» (Մկ. Ե.7): Ծշմարտախօս բերանը Ս. Հոգիին դուռն է, իսկ ստախօս բերանը դժոխքի դուռն է եւ դեւերու մուտք: Հետեւաբար, ձեր բերանը ճշմարտութեան վարժեցուցէք, որպէսզի Ս. Հոգին բնակի ձեր մէջ:

Յովհաննէս Երզնկացի

ԳԵՂԱՌԴ

Սրբութիւն մը, որ կը գտնուի Մայր Աթոռ Ս. Էջմիածնի Ալէք եւ Մարի Մանուկեան գանձատան մէջ: Գեղարդը սրածայր երկաթեայ այն նիզակն է, որ Քրիստոսի խաչելութեան պահուն հոռմէացի զինուոր մը Անոր կողը խրեց: Յովհաննէս Աւետարանիչ վկայելով այս դէպքը կ'ըսէ. «Չատիկի նախորդ օրն էր: Հրեայ ղեկավարները չուզեցին, որ մարմինները խաչերուն վրայ ման Շաբաթ օրով, քանի այդ Շաբաթը տօնական մեծ օր մըն էր: Ուստի Պիղատոսէն խնդրեցին՝ որ խաչեալներուն սրունքները կոտրեն եւ մարմինները մէջտեղէն վերցրնեն: Չինուորները եկան եւ առաջինին սրունքները կոտրեցին, երկրորդին ալ միւսին՝ որ Յիսուսի հետ խաչուած էր: Բայց երբ Յիսուսի եկան տեսան, որ անկաարդէն իսկ մեռած էր, ուստի չկոտրեցին անոր սրունքները: Սակայն զինուորներէն մէկը նիզակը անոր կողը խրեց, եւ անմիջապէս արիւն ու ջուր հոսեցաւ»:

Արդարեւ Քրիստոսի արեամբ օժտած այս սրբութիւնը կ'ենթադրուի, որ Ս. Թադէոս Առաքեալ իրեն հետ բերաւ Հայաստան՝ իր նուիրական առաքելութիւնը կատարելու ընթացքին:

Սրբալոյս Միլոննի օրհնութեան աթոն, Ամենայն Հայոց Վեհափառ Հայրապետը, Ս. Լուսաւորիչ հայրապետի Աջին հետ մասն Գեղարդով Սուրբ Միլոնը կը խառնէ:

ՀԱՍՅԷ.



ԿԻՐԱԿԻ ՕՐԵՐՈՒ ԱՍՏՈՒԾԱՇԱՀՎԱՆ ԸՆԹԵՐՑՈՒՄՆԵՐ

Գրծ. 17.1-15: Ա. Յի. 1.1-10

ՅԻՍՈՒՍ ԹՐԻՍՏՈՍԻ ԱԲԵՏԱՐԱՆԸ ԸՍՏ ՅՈՎՀԱՆՆՈՒ 7.14-24

ՏՕՆ ԵՐԵՒՄԱՆ Ս. ԽԱԶԻՆ

Տաղաւարահարաց տօնակատարութեան մօտաւորապէս կեսին, Յիսուս տաճար ելաւ եւ սկսաւ ուսուցանել: Հրեաները կը զարմանային եւ կ'ըսէին. «Ինչպէ՛ս այս մարդը Սուրբ Գիրքերը գիտէ, երբ բնաւ չէ ուսած զանոնք»:

Յիսուս պատասխանեց անոնց. «Ինչ որ ձեզի կ'ուսուցանեմ՝ իմ վարդապետութիւնն չէ, այլ՝ անորը, որ զիս դրկեց: Ով, որ կ'ուզէ Աստուծոյ կամքը կատարել, պիտի հասկնայ թէ Աստուծմէ՞ է այս վարդապետութիւնը, թէ ես իմ հեղինակութեամբ կը խօսիմ: Ան որ իր հեղինակութեամբ կը խօսի՝ իր անձին համար փառք կը փնտռէ, իսկ ան որ զինք դրկողին փառքը կը փնտռէ, ճշմարիտ է եւ խաբէութիւն չկայ անոր մէջ: Մովսէս ձեզի Օրէնքը չտուա՞ւ, սակայն ձեզմէ ոչ ոք կը հնազանդի Օրէնքին: Ինչո՞ւ կ'ուզէք զիս սպաննել»:

Ժողովուրդը պատասխանեց. «Դիտա՞հար ես, ի՞նչ ես: Ո՞վ կ'ուզէ քեզ սպաննել»: Յիսուս պատասխանեց. «Հրաշք մը գործեցի եւ բոլորդ վրդովեք էք: Մովսէս հրահանգեց թլփատել ձեր զաւակները - թէն Մովսէս չէր սկսողը, այլ ձեր նախահայրերը - եւ դուք ձեր զաւակները կը թլփատէք Շաբաթ օրով: Եթէ մէկը կը թլփատէք Շաբաթ օրով, որպէսզի չբեկանուի Մովսէսի Օրէնքը, ինչո՞ւ զայրացած էք ինձի դէմ, որովհետեւ մէկը ամբողջութեամբ բժշկեցի Շաբաթ օրով: Երեսոյթներէն մի՛ դատէք, այլ արդար դատաստան կատարեցէք»:

ՀԱՄԱՔՐԻՍՏՈՆԷԱԿԱՆ ԽՆԴՐԱՆՔ

Յիշէ՛ Տէր, քեզի ծառայողները. Մեր ծնողները, ուսուցիչները, եղբայրներն ու քոյրերը, ընկերները, մեզ կերակրողները, ուխտաւորները, ճամբորդները, մեզ հանգստացնողները, վաստակաւորները, խոստովանողները, ապաշխարողները, գերիները, հիւանդները, նեղեալները, իշխանութեան զլուխ գտնուողները, մեզի չարիք ընողները, բարերարները, թշնամիները, մեզ ատողները. եւ անոնք՝ որոնք հաւատքով դաստիարակեցին մեզ:

ՏՕՆ ԵՐԵՒՍԱՆ Ա. ԽԱՉԻ



Յինանց հինգերորդ Կիրակին կը կոչուի Երեւման խաչ եւ յիշատակն է Երուսաղէմ՝ խաչի նշանի երեւումին:

7 Մայիս, 351-ին Կիւրեղ Երուսաղէմացի հայրապետի ժամանակ, Երուսաղէմի մէջ օր ցերեկով երկինքի վրայ կ'երեւի խաչի նշանը՝ Գողգոթայէն մինչեւ Ջիթենեաց լեռը: Լուսապայծառ խաչի նշանը կ'երեւի բոլորին: Ի տես գարմանահրաշ այս երեւոյթին, ժողովուրդն ու եկեղեցականները եկեղեցի կը մտնեն Աստուծոյ գոհութիւն եւ փառք մատուցանելու համար:

Կիւրեղ եպիսկոպոսը գարմանահրաշ այս դէպքը կը տեղեկացնէ Բիւզանդիոնի Կոստանդիանոս Կայսեր, եւ անոր կը իրախուսէ քրիստոնէական իր ամուր հաւատքին համար: Կիւրեղ հայրապետի վերոյիշեալ գրութիւնը թարգմանուած է հայերէնի եւ կ'ընթերցուի Երեւման Խաչի տօնի օրը:

Երեւման Խաչի սրբոյ տօնը յատուկ է միայն հայերուն եւ յոյներուն: Կաթողիկէ եկեղեցին այս անունով խաչի տօն չունի:

Երեւման խաչի տօնը յատուկ շարական չունի, այլ՝ նոյն օրը կ'երգեն խաչի միւս տօներու շարականները, որոնցմով կը փառաբանուի խաչը:

ՀԱՐՅՈՒՄ ՊԱՏԱՍԽԱՆ ԲԱԺԻՆ

Ո՛Վ Է ԱՂՔԱՏ ՄԱՐԴԸ

1. Այն մարդը՝ որ բարեկամ չունի:
2. Այն մարդը՝ որ զինք դատապարտող խիղճ չունի:
3. Այն մարդը՝ որ անձը գսպելու անկարող է:
4. Այն մարդը՝ որ անձնատէր է:
5. Այն մարդը՝ որ նկարագիրը դրամի հետ փոխած է:
6. Այն մարդը՝ որուն կիներ եւ ընտանիքը զինք չեն սիրեր:
7. Այն մարդը՝ որ յոյսը եւ հաւատքը կորսնցուցած է:
8. Այն մարդը՝ որ Յիսուսը իրեն բարեկամ չէ ըրած:
9. Այն մարդը՝ որ Ա. Գիրք չունի ու ստով չի մխիթարուիր:
10. Այն մարդը՝ որ Երկինքը գանձ չէ դիզած:
11. Այն մարդը՝ որ ուրիշին տալիք չունի:
12. Այն մարդը՝ որ չի կրնար բարիով յաղթել չարին:

ԼՈՒՍՈՎԴՒ ՔՈՒՔՐԻՍՏՈՍ

Լուսովդ քո Քրիստոս, ամենեքեան լուսաւորեցաք, եւ ի սուրբ խաչ քո, փրկիչ, հաւատացեալքս ապաւինեցաք: Լուր մեզ, Աստուած փրկիչ մեր. տուր մեզ զխաղաղութիւն քո, մարդասէր Տէր:

Քու լոյսովդ, Քրիստոս ամենքս լուսաւորուեցանք եւ հաւատացեալներս Փրկիչ, քու սուրբ Խաչիդ ապաւինեցանք: Լսէ մեզ, Աստուած՝ մեր փրկիչը, քու խաղաղութիւնդ տուր մեզի, եւ քու ողորմութիւնդ շնորհէ մեզի, մարդասէր Տէր:

ՀՈԳԵՒՈՐ ՊԱՏԳԱՍ

Աստուած չի լքեր մեզ կեանքի փոթորկալից պահերուն

Հիմա փորձենք պարզապէս քանի մը փաստեր ներկայացնել, որով կարելի ըլլայ ապացուցանել, որ Աստուած մեզ կը սիրէ մեր ծնողներէն աւելի: Առաջին, երկրաւոր ծնողներ սաստիկ նեղութեան ժամանակ կրնան լքել իրենց զաւակները, իրենց սեփական մորթը փրկելու համար, իսկ Աստուած ճիշդ հակառակը, նեղութիւններու ժամանակ, առաւել էւս կը մօտենայ մեզի եւ կը զգացնէ իր մխիթարար եւ պաշտպանարար ներկայութիւնը: Ասոր գեղեցկագոյն օրինակը Յիսուս տուաւ երբ ըսաւ. «Քանի անգամ ուզեցի որդիներդ հաւաքել, ինչպէս հաւը իր ձագերը կը հաւաքէ թելերուն տակ» (Ղկ 13.34):

Գիտենք, որ երբ թեթեւ փոթորիկ մը ըլլայ, հաւը թելերը կը բանայ, որպէսզի ձագերը գան եւ տակը մտնեն, բայց միւս կողմէ գիտենք նաեւ, որ երբ փոթորիկը սաստկանայ, եւ մանաւանդ, երբ փոթորիկին որոտում ընկերանայ, հաւը իսկոյն կը լքէ իր ձագուկները եւ կը փախչի:

ՄԵՐ ՍՈՐՎԵԼԻՔ ՀՈԳԵՒՈՐ ԴԱՍԸ:

Վստահ ըլլալ, որ նեղութեան ժամանակ ապահով Ձեռքերու մէջ ենք: Փառք Քեզ Աստուած մեր:

ԵԹԷ ԿԱՍ ԵՐԲ ԿՈՒՉԵՍ...

ԵԹԷ ԿՈՒՉԵՍ ՊԻՏՆԱԼ, ԹԷ ԿԱՏՈՒՄԸ ԻՆՉՊԷՍ ԿԸ ՊԱՇՏՊԱՆԷ ԱՐԿԱՐԸ՝ Կարդա՛ր ՍԱՂՄՈՍ 17

Ո՛Վ ՏԷՐ, լսէ՛ արդար բողոքս, մտի՛կ ըրէ աղաղակս, ականջ տուր աղօթքիս, որ նենգաւոր շրթներէ չի գար: Դատավճիռս դո՛ւն տուր, տե՛ս իմ ուղիղ ըլլալս: Դատավճիռս դո՛ւն տուր, զիշեր ատեն եկար եւ փորձեցիր սիրտս, կրակով քննեցիր եւ չարութիւն չգտար մէջս, ո՛չ ալ բերնիս մէջ անիրաւութիւն: Տեսայ մարդոց գործերը, բայց քու խօսքիդ հետեւելով՝ հեռու մնացի արիւնահեղ մարդոց ապրելակերպէն: Քայլերս քու շաւիղներուդ մէջ պահէ, որպէսզի ընթացքս չշեղի: Ես քե՛զ կը կանչեմ, որովհետեւ զիտեմ թէ պատասխան պիտի տաս, ո՛վ Աստուած, ականջդ ինձի խոնարհեցուր, լսէ՛ խօսքերս: Սքանչելի կերպով ցոյց տուր քու սէրդ, դուն՝ որ քեզի ապաւինողները քու աջովդ կը փրկես իրենց հակառակորդներէն: Աչքի բիբի պէս պահէ զիս պահպանէ ամբարիշտներէն, որոնք կեանքիս կը սպառնան. մահացու թշնամիներէս, որոնք պաշարած են զիս: Իրենց հարստութեան վստահած, եւ գութը մոռցած՝ ամբարտաւանութեամբ կը բանան իրենց բերանը: Ահա կը հետապնդեն զիս, եւ զիս պաշարած՝ ակնդէտ կը հետեւին ինձի, զիս գետին տապալելու համար, առիծի մը պէս՝ որ կ'ուզէ բզկտել, կորիւնի մը պէս՝ որ դարան մտած կը սպասէ: Ե՛լ ո՛վ ՏԷՐ, անունց ճամբան կտրէ, զանոնք տապալէ՛: Քու սուրովդ կեանքս փրկէ՛ ամբարիշտներու ձեռքէն: